

Bosna i Hercegovina  
Federacija Bosne i Hercegovine  
Tuzlanski kanton  
**Općina Sapna**  
**Općinski načelnik**

Broj: 01-11-926/2022  
Datum: 16.06.2022.godine

Na osnovu člana 41. Statuta općine Sapna, tačke V Prgrama Ministarstva poljoprivrede, vodoprivrede i šumarstva za sufinansiranja nabavke mineralnih đubriva, broj: 04/1-11-010416-1/22 od 11.05.2022.godine, na koji je Vlada Tuzlanskog kantona dala saglasnost Odlukom, broj: 02/2-11-10416-2/22 od 17.05.2022.godine i Odluke Ministarstva poljoprivrede, šumarstva i vodoprivrede u Vladi Tuzlanskog kantona, o odobravanju sredstava za sufinansiranje nabavke mineralnih đubriva općini Sapna, broj: 04/1-11-010416-12/22 od 26.05.2022.godine, općinski načelnik općine Sapna, raspisuje:

### **JAVNI POZIV za sufinansiranje nabavke mineralnih đubriva u 2022. godini**

Predmet Javnog poziva je prijava pravnih i fizičkih lica sa područja općine Sapna, kao potencijalnih korisnika sredstava za sufinansiranje troškova nabavke mineralnih đubriva u 2022.godini, te na osnovu prijave i utvrđivanja preliminarne liste, a nakon konačnosti iste i prava na sufinansiranje nabavke mineralnih đubriva u 2022.godini.

#### **I PRAVO UČEŠĆA**

Pravo na prijavu po ovom Javnom pozivu imaju korisnici (pravna ili fizička lica) koji ispunjavaju slijedeće opće i posebne kriterije, i to:

Opći kriteriji za ostvarivanje prava na sufinansiranje nabavke mineralnih đubriva su:

- da su pravna i fizička lica u 2022.godini nabavili mineralna đubriva i dokaz o istom (fiskalni račun) dostavila općini Sapna (u skladu sa članom III alineja 1. Odluke o odobravanju sredstava za sufinansiranje nabavke mineralnih đubriva u 2022.godini Ministarstva poljoprivrede, šumarstva i vodoprivrede Tuzlanskog kantona broj: 04/1-11-010416-12/22 od 26.05.2022.godine).

Posebni kriterij za ostvarivanje prava za pravna i fizička lica na sufinansiranje nabavke mineralnih đubriva su:

- da imaju sjedište odnosno prebivalište na području općine Sapna,
- da su upisani u Registar poljoprivrednih gazdinstava i Registar klijenata koji vodi nadležna općinska služba najkasnije do 30.04.2022. godine,
- da imaju ostvarenu neku od biljnih proizvodnji u 2022.godini: žitarice (kukuruz merkantilni, pšenica, ječam, zob i tritikale), krmno bilje (silažni kukuruz, djeteline, lucerka i DTS) i povrće,
- da posjeduju tekući račun u nekoj od poslovnih banaka na području BiH.

#### **II PRIHVATLJIVI TROŠKOVI**

Prihvatljivi troškovi po ovom pozivu su troškovi nabavke mineralnih đubriva za slijedeće kulture: žitarice (kukuruz merkantilni, pšenica, ječam, zob i tritikale) ili krmno bilje (silažni kukuruz, djeteline, lucerka i DTS).

Visina troškova sufinansiranja nabavke mineralnih đubriva po krajnjem korisniku ovisit će o visini raspoloživih sredstava i broju prijavljenih korisnika.

Ukoliko se prijavi više korisnika sa prihvatljivim troškovima od visine raspoloživih sredstava, visina pojedinačne podrške po korisniku biti će ograničena i ista će se proporcionalno smanjivati.

Način provjere zasijanih površina će biti predmetom provjere komisije imenovane rješenjem općinskog načelnika.

### III POTREBNA DOKUMENTACIJA

Pravna i fizička lica koja podnose prijavu za sufinansiranje nabavke mineralnih đubriva, uz istu treba da dostave slijedeću dokumentaciju:

1. Popunjen obrazac prijave,
2. Saglasnost na obradu ličnih podataka,
3. Fiskalni račun (original ili ovjerena kopija) za nabavljeno mineralno đubrivo,
4. Kopiju lične karte (za obrte kopija rješenja o obavljanju djelatnosti) i
5. Kopiju tekućeg računa (za obrte kopija deponovanih potpisa).

### IV UTVRĐIVANJE PRELIMINARNE LISTE KORISNIKA I PROCEDURA ODABIRA KRAJNJIH KORISNIKA SREDSTAVA

Na osnovu prispjelih prijava, Služba će izvršiti pregled isti, evidentirati korisnike koji ispunjavaju uslove iz Javnog poziva, sačiniti preliminarnu listu korisnika za sufinansiranje nabavke mineralnih đubriva po svakom krajnjem korisniku, nakon izvršene provjere zasijanih površina od strane imenovane komisije i dostavljanja zapisnika Službi o istom. Preliminarna lista krajnjih korisnika će biti objavljena na oglasnoj ploči i web stranici općine Sapna.

Na objavljenu preliminarnu listu se može izjaviti žalba općinskom načelniku u roku od 3 (tri) dana od objavljivanja iste. O načinu i vremenu isplate korisnici će biti naknadno obavješteni.

### V OBJAVA, ROK I NAČIN PODNOŠENJA

Ovaj Javni Poziv objavit će se na web stranici općine Sapna, oglasnoj ploči općine Sapna, te putem radia Glas Drine Sapna („Glas Drine“ d.o.o. za informisanje). Javni Poziv bit će otvoren do 27.06.2022.godine do 15:30 sati, do kada će se moći podnijeti prijave na isti, i to predajom na pisarnicu općine Sapna ili slanjem preporučenom poštom na adresu **OPĆINA SAPNA 206. Viteške brigade bb 75411 Sapna**, sa obaveznom naznakom „**po Javnom pozivu za sufinansiranje nabavke mineralnih đubriva**“.

